

NË KËTË EDICION:

AKTIVITETET E NRC-SË

- Kodi i Standardeve për OJF-të në Shqipëri
- Direktoria e OJF-ve
- Shërbim Ligjor
- Akademia e OJF-ve
- Programe Trajnimi Sipas Nevojave Të Sektorit
- EU Aquis - Angazhimi dhe roli i OSHC-ve në procesin e integritetit të vendit në BE
- Asistencë Teknike për rrjetet e OSHC-ve

ZHVILLIMET E FUNDIT NË SEKTOR

- Raporti i Komisionit Evropian për Shqipërinë 2022
- Prezantohet raporti i Matricës së Monitorimit të Mjedisit Mundësues për Zhvillimin e Organizatave të Shoqërisë Civile 2022
- Udhëzues Praktik për të parandaluar abuzimin e mundshëm të Organizatave Jofitimprurëse (OJF) për Pastrimin e Parave dhe Financimin e Terrorizmit
- Komisioni Evropian publikon Raportin e Shqyrtimit për Shqipërinë 2022
- Publikohet Raporti i Rezultateve për Planin e Veprimit 2020-2022
- Përzgjidhen organizatat Antare të komisionit të shoqërisë civile
- Rishikimi i Rekomandimit 8 dhe Shënimit të tij Interpretues
- Rrjeti Ballkanik për Zhvillimin e Shoqërisë Civile (BCSDN) publikon opinionin e tij mbi Konsultimet IPA III
- Shoqëria Civile i bën thirrje BE-së të mbrojë të drejtat e njerëzve në negociatat e "trilogut" të Aktit të Inteligjencës Artificiale
- CSF TIRANA 2023 - Forumi i Shoqërisë Civile të Ballkanit Perëndimor

THIRRJE DHE MUNDËSI

MBI DISA NDRYSHIME “PËR TATIMIN MBI VLERËN E SHTUAR”

Prej disa muajsh, legjislacioni mbi rimbursimin e TVSH-së në kuadër të marrëveshjeve të granteve në të cilat parashikohet mospërdorimi i burimeve financiare të huaja për të paguar TVSH ka pësuar disa ndryshime. Fillimisht në muajin prill u botua në fletoren zyrtare, Udhëzimi Nr. 11, datë 13.4.2023 Për disa shtesa dhe ndryshime në Nr. 6, datë 30.1.2015, “Për tatimin mbi Vlerën e Shtuar në republikën e Shqipërisë”, i ndryshuar, pasuar nga një tjetër udhëzim në muajin shtator, Udhëzimi Nr. 27 Datë 13.9.2023 Për disa shtesa dhe ndryshime në nr. 6, datë 30.1.2015, “Për tatimin mbi Vlerën e Shtuar në republikën e Shqipërisë”.

Hyrja e menjëhershme në fuqi e ndryshimeve ligjore ka sjellë nevojën për informim të organizatave të shoqërisë civile mbi zbatimin e procedurës së re.

Në përgjigje të këtyre nevojave, Qendra Kombëtare Burimore për Shoqërinë Civile zhvilloi një seri programesh trajnimi me OSHC nga gjithë vendi, mbi procedurën e rimbursimit të TVSH dhe procedurën e përjashtimit në import dhe trajtimin si furnizim i përngjashëm me eksportet për marrëveshjet e donacionit dhe grantit, ndryshimet midis tyre dhe zbatimin në praktikë nga OSHC-të.

Disa nga çështjet specifike të trajtuara ishin: Procedura e Aplikimit për Certifikatën e Rimbursimit të TVSH-së; Procedura e Aplikimit për Rimbursimin e TVSH-së; Procedura për Aplikimin për Certifikatën për Efekt të Trajtimin si Furnizim i Përngjashëm me Eksportet; Rolin e Agjencisë Shtetërore të Programimit Strategjik dhe Koordinimit të Ndihmës (SASPAC), të Drejtorisë së Përgjithshme të Doganave, Drejtorisë së Përgjithshme të Tatimeve dhe Drejtorive Rajonale Tatimore; Dokumentacioni Shoqëruar; Afatet etj.



Ky projekt financohet nga
Bashkimi Evropian



KODI I STANDARDEVE PËR OJF-TË NË SHQIPËRI NJË PRAKTIKË E MIRË VETËRREGULLUESE NË RITJE!

Në muajt e fundit, **Qendra Streha**, **Organizata Pla&Go** dhe **Albcontact** i janë bashkuar anëtarësisë së Kodit të Standardeve për OJF-të, duke e çuar në **24** numrin e organizatave të angazhuara publikisht për të zhvilluar veprimtarinë e tyre në përputhje me standardet e Kodit.

Kodi i Standardeve për organizatat e shoqërisë civile në Shqipëri synon të rrisë efektivitetin e punës së tyre si dhe besimin tek mbështetësit, përfituesit dhe grupet e tjera të interesit, nëpërmjet zbatimit të praktikave të mirëqeverisjes së sektorit si dhe rritjes së transparencës dhe llogaridhënies. Kodi është një tërësi parimesh dhe angazhimesh mbi mënyrën se si organizatat zhvillojnë veprimtarinë e tyre.

Prej vitesh tashmë, Partnerët Shqipëri në bashkëpunim me grupin e organizatave që ju bashkuan që në hapat e parë të fillimit të procesit për hartimin dhe më pas zbatimin e Kodit të Standardeve kanë punuar për promovimin e Kodit si një praktikë vetërregulluese dhe mjet për të ndërtuar organizata më të forta dhe më efektive në sektorin jofitimprurës duke krijuar një bazë mbi të cilën praktikatat e drejtimit dhe manaxhimit vlerësohen dhe përmirësohen.

Kodi i Standardeve për OJF-të në Shqipëri është njohur dhe mirëpritur nga struktura të rëndësishme ndërkombëtare si Task Forca për Veprimin Financiar (FATF), si pjesë e Dokumentit të Praktikave më të Mira në luftën kundër terrorizmit dhe pastrimit të parave dhe së fundmi në Raportin e Komisionit Evropian për Shqipërinë 2022.

Rikujtojmë të gjithë organizatat e interesuara se procesi i anëtarësimit është i hapur në çdo kohë! Nëpërmjet platformës së dedikuar standards4npo.al, OSHC-të mund të testojnë në kohë reale, standardet aktuale të praktikave të tyre dhe mundësi për përmirësim përkundrejt zbatimit të angazhimeve të Kodit të Standardeve.

Për më shumë informacion mbi procesin e Anëtarësimit lexoni këtu ose na shkruani në info@resourcecentre.al



MEKANIZËM ONLINE VETËVLERËSIMI



Mekanizmi Vetëvlerësues gjendet në platformën web, si dhe aplikacion mobile për **IOS** dhe **Android**.

Prej vitesh tashmë Qendra Burimore shërben si platformë informuese dhe lehtësuese për rrjetëzime të mundshme për sektorin jofitimprurës dhe jo vetëm, brenda dhe jashtë vendit. Nëpërmjet **Direktorisë së OJF-ve**, Qendra Burimore ofron mundësi rrjetëzimi e krijimi partneritetesh për organizatat e shoqërisë civile që veprojnë në Shqipëri, duke mundësuar të dhëna mbi misionin dhe qëllimin e veprimtarisë, kontaktet dhe vendndodhjet e rreth 160 organizatave pjesë e saj.

Për më shumë informacion mbi Direktorinë e OJF-ve klikoni [këtu](#)
Ftojme të gjitha organizatat e interesuara të regjistrohen [këtu](#).

SHËRBIMI LIGJOR

Qendra Kombëtare Burimore vijon ofrimin e shërbimit ligjor për OJF-të dhe aktivistët e shoqërisë civile. Kryesisht gjatë kësaj periudhe është ofruar këshillim ligjor mbi procedurat për themelimin dhe regjistrimin e një fondacioni degë e huaj në Shqipëri si dhe marrja e licensimit apo akreditime të mundshme të nevojshme sipas fushës së veprimtarisë së tij, procedurat ligjore për ndryshime në dokumentat themelues të organizatës, përditësimi i organeve vendimmarrëse, detyrimet e raportimeve financiare pranë organeve tatimore në rast grantesh si ekspert si dhe hapat ligjorë të nevojshëm për zhvillimin dhe dorëzimin e një peticioni pranë organeve ligjbërëse. Shërbimi Ligjor ofrohet çdo të mërkurë, ONLINE, nga ora 14.00-17.00.

Ftojme të gjitha organizatat dhe grupimet që kanë nevojë për informacion dhe asistencë në lidhje me krijimin, funksionimin dhe përputhshmërinë ligjore dhe fiskale për OJF-të, të na shkruajnë në info@resourcecentre.al

Për më shumë informacion mbi shërbimin ligjor dhe si të përfitonit prej tij, [lexoni këtu](#).



AKTIVITETE NGA ZYRAT RAJONALE TË QENDRËS KOMBËTARE BURIMORE PËR SHOQËRINË CIVILE NË SHQIPËRI



Shërbim mbështetës dhe informim nga Zyra Rajonale Vlorë me përfaqësues OSHK-së për identifikimin e nevojave për nisma advokuese mjedisore në rajonin e Vlorës.



Takim me gazetarë dhe anëtarë të klubit të shkrimtarëve e artistëve "Petro Marko" për promovimin e Qendrës, si dhe rritjen e ndërgjegjësimit për përfshirjen e tyre në vendimarrjen lokale.



Takim me përfaqësues të institucioneve lokale dhe organizatave të shoqërisë civile Vlorë për rritjen e ndërgjegjësimit ndaj të moshuarve në nevojë dhe marrjen e tyre në konsideratë gjatë hartimit të buxhetit për vitin 2024.



Shërbim mbështetës dhe informim nga Zyra Rajonale Shkodër me organizatën Dimension Human mbi identifikimin e thirrjeve të mundshme për projekte që lidhen me shërbime për Qendrën Ditore për të moshuar.



Takim me nxënësit e gjimnazit "Oso Kuka" për rritjen e ndërgjegjësimit tek të rinjtë mbi vullnetarizmin dhe qytetarinë aktive.



Takim me përfaqësues të Këshillit Bashkiak për vendosjen e bashkëpunimit pas konstituimit të tij.

AKADEMIA E OJF-VE



#Leksioni7 u fokusua në shkrimin e projekt-propozimeve dhe manaxhimin e projekteve të BE-së. Pjesëmarrësit në Akademi u prezantuan me formën e aplikimit të financimit të BE-së, menaxhimin e ciklit të projektit, fazat e shkrimit të një propozimi, si dhe sfidat dhe vështirësitë e hasura nga OJF-të përgjatë këtij procesi.

Leksioni u drejtua nga znj. Ledina Gjijnuri eksperte, me eksperiencë disa vjeçare në fushën e mobilizimit të fondeve të BE-së, në nivel planifikimi të asistencës së BE-së për fondet IPA, programimi dhe hartimi të dokumenteve analitike si dhe mbështetjeje në përgatitjen/vlerësimin e aplikimeve për grante në kuadër të financimit të BE-së/Instrumentit për Para-anëtarësimin (IPA).





#Leksioni8 "Advokasia dhe Lobimi" u fokusua mbi çështje që lidhen me përdorimin e advokasisë për të influencuar vendimmarrësit, elementët e një procesi advokimi si dhe raste të suksesshme fushatash advokatie.

Leksioni u drejtua nga Znj.Irida Agolli, lektore me kohë të plotë pranë Departamentit të Punës dhe Politikës Sociale në Universitetin e Tiranës që nga viti 2006. Eksperienca e saj përfshin konsulencë të ndryshme për institucione dhe organizata lokale dhe ndërkombëtare për kryerjen e kërkimeve, përgatitjen e manualeve, ofrimin e trajnimeve, monitorim dhe vlerësim, etj.

ASISTENCË DHE MENTORIM PËR PJESËMARRRËSIT E AKADEMISË

Paralelisht me zhvillimin e leksioneve, si pjesë e programit janë zhvilluar me akademistët dhe seancat e mentorimit, duke u fokusuar në diskutime, ndarje modelesh dhe praktikash mbi shkrimin e Projekt Propozimit dhe formatet e aplikimit sipas kërkesave të donatorëve të ndryshëm, nismat aktuale dhe nevojat për advokim, si dhe zhvillimi i tyre në plane konkrete advokimi.



PROGRAME TRAJNIMI SIPAS NEVOJAVE TË SEKTORIT

Në përgjigje të nevojave të sektorit, Qendra Burimore ka organizuar një sërë trajnimesh me qëllim rritjen e njohurive dhe kapaciteteve të organizatave në qytete të ndryshme të vendit, mbi ngritjen e fondeve dhe diversifikimin e burimeve të financimit.

Me hapjen e thirrjes nga Smile.al u organizuan disa trajnime rajonale duke kontribuar në rritjen e njohurive rreth platformave crowdfunding, përdorimit të tyre duke u fokusuar veçanërisht mbi procedurën e aplikimit, si dhe dokumentacionin e nevojshëm rreth thirrjes.




EU AQUIS

ANGAZHIMI DHE ROLI I OSHC-VE NË PROCESIN E INTEGRIMIT TË VENDIT NË BE

Qendra Kombëtare Burimore dhe Lëvizja Europiane në Shqipëri (EMA), në kuadër të programit të fuqizimit të kapaciteteve të OSHC-ve për tu përfshirë dhe kontribuar në procesin e integritimit në BE, kanë vijuar me organizimin e workshopeve me fokus kryesor tek mundësitë për përfshirje të OShC-ve që punojnë në fusha si demokracia, rinia, arsimi dhe kërkimi shkencor.

Procesi i negociatave, hapat që duhet të ndërmerren, përgatitja e pozicioneve negociuese, kuadri ligjor në Shqipëri dhe institucionet kryesore shtetërore të përfshira në negociata për kapitullin 25 (Shkenca dhe Kërkimi Shkencor) dhe 26 (Arsimi dhe Kultura) ishin disa nga temat e trajtuara. Gjithashtu gjatë workshopeve u ndanë me pjesëmarrësit disa informacione praktike mbi Programet Komunitare të BE-së ku Shqipëria merr pjesë, si dhe rolin e shoqërisë civile në konsultim dhe monitorim.



MBËSHTETJE PËR RRJETET E OSHC-VE

Vijon programi i asistencës teknike që Qendra Kombëtare Burimore po ofron në mbështetje të Rrjeteve, Koalicioneve dhe Grupimeve të OSHC-ve. Gjatë kësaj periudhe kemi vijuar punën me Rrjetin Hub-i Rinor për Ballkanin Perëndimor dhe Turqinë, Grupimin për Zhvillimin e Vullnetarizmit në Shqipëri si dhe Rrjetin e Organizatave Komunitare për adresimin e nismave të tyre advokuese.

Në përfundim të Asistencës për Rrjetin e Organizatave Komunitare, tre organizata, Akademia Rinore e Studimeve, Global Care Albania dhe Nisma për Ndryshim Shoqëror, ARSIS, kanë zhvilluar më tej kapacitetet e tyre advokuese, si dhe janë asistuar për hartimin e planeve konkrete për mobilizimin e komuniteteve dhe advokimin e tre nismave që do gjejnë zbatim së shpejti: **(1)** Ngritja e një biblioteke shkolle në një zonë rurale në Pogradec; **(2)** Krijimi i një mjedisi sensorial për integrimin e fëmijëve me nevoja të veçanta në zonën e Bathores, Tiranë; **(3)** Krijimi i një mjedisi miqësor për fëmijët në mjediset e shkollës “26 Nëntori” në Yzberisht, Tiranë.



RAPORTI I KOMISIONIT EVROPIAN PËR SHQIPËRINË 2022

Në muajin korrik, Parlamenti Evropian miratoi në seancë plenare **“Raportin e Komisionit Evropian për Shqipërinë 2022”** (Rezoluta 2022/2199(INI)).

Ndër të tjera, në lidhje me “Liritë Themelore dhe të Drejtat e Njeriut”, raporti bën thirrje për rishikimin e dispozitave të Ligjit për Regjistrimin e Organizatave Jofitimprurëse (OJF) që cenojnë lirinë e shprehjes dhe organizimit; shpreh shqetësim për gjobat shumë joproporcionale lidhur me shkeljet administrative nga OJF-të; mirëpret Kodin e Standardeve për OJF-të në shqipëri, si një mekanizëm vetërregullues, si dhe sugjeron thjeshtimin e regjistrimit elektronik të organizatave të shoqërisë civile (paragrafi 60, fq. 15).

Për më shumë [lexoni këtu raportin e plotë](#).

PREZANTIMI I RAPORTIT VJETOR

TË MATRICËS SË MONITORIMIT TË MJEDISIT MUNDËSUES PËR ZHVILLIMIN E ORGANIZATAVE TË SHOQËRISË CIVILE 2022

Partnerët Shqipëri ka publikuar raportin vjetor të Matricës së Monitorimit të Mjedisit Mundësues për Zhvillimin e Organizatave të Shoqërisë Civile 2022. Raporti paraqet një analizë të mjedisit mundësues në linjë me prioritetet e vendosura në Udhërrëfyesin për Hartimin e Politikave dhe Masave për një Mjedis Mundësues për Zhvillimin e Shoqërisë Civile 2019-2023.

Ndër rekomandimet kryesore të raportit, theksohet:

(1) Integrimi i sistemeve të agjencive shtetërore me Regjistrin e ri elektronik të OJF-ve, për të shmangur raportimin e dyfishtë nga OJF-të, dhe për të siguruar një kuptim të qartë për madhësinë dhe vlerën ekonomike të sektorit; **(2)** Ndryshimi i kuadrit ligjor të Parandalimit të Pastrimit të Parave/ Luftës Kundër Financimit të Terrorizmit (PPP/LFT) dhe riklasifikimi i sektorit të OJF-ve me “rrezik të ulët” për çështjet e PPP/LFT bazuar në Metodologjinë e Vlerësimit të Rrezikut të OJF-ve ndaj Financimit të Terrorizmit në Shqipëri; **(3)** Qeveria duhet të angazhohet seriozisht dhe të ndër marrë veprime konkrete për të siguruar zbatimin e masave të Udhërrëfyesit për Hartimin e Politikës dhe Masave për një Mjedis Mundësues për Zhvillimin e Shoqërisë Civile 2019-2023, brenda afateve të tij. Për më shumë mbi gjetjet dhe rekomandimet, [lexoni raportin e plotë](#).




UDHËZUES PRAKTIK

PËR TË PARANDALUAR ABUZIMIN E MUNDSHËM TË ORGANIZATAVE JOFITIMPRURËSE (OJF) PËR PASTRIMIN E PARAVE DHE FINANCIMIN E TERRORIZMIT”

Për ti ardhur në ndihmë sektorit të OJF-ve, Partnerët Shqipëri ka publikuar një Udhëzues Praktik për të parandaluar abuzimin e mundshëm të Organizatave Jofitimprurëse (OJF) për Pastrimin e Parave dhe Financimin e Terrorizmit.

Udhëzuesi ofron një panoramë të kuadrit ligjor dhe rregullator për parandalimin e pastrimit të parave dhe luftën kundër financimit të terrorizmit të zbatueshëm për OJF-të, si dhe disa raste studimore për të thelluar kuptimin mbi kërcënimin terrorist në sektorin e OJF-ve.

[Shfletu këtu udhëzuesin.](#)



KOMISIONI EVROPIAN PUBLIKON RAPORTIN E SHQYRTIMIT PËR SHQIPËRINË


Komisioni Evropian ka publikuar raportin e shqyrtimit për Shqipërinë (**Screening Report Albania**) një vit pas hapjes së negociatave të anëtarësimit të Shqipërisë në BE dhe përfundimit të raundit të parë të takimeve.

Raporti thekson progresin e Shqipërisë drejt BE-së, sfidat kryesore në vend dhe arritjet në reformat vendimtare. Ndër të tjera, raporti ndalet edhe në rishikimin e kuadrit ligjor rregullator dhe politikat për shoqërinë civile në vend, duke vlerësuar ngritjen dhe zhvillimin e kornizës rregullatore dhe institucionale, por thekson se zbatimi i tij ka nevojë të përforcohet më tej. Mes të tjerash, raporti përmend rëndësinë e strukturave si Qendra Kombëtare Burimore për Shoqërinë Civile, e cila cilësohet si platformë informuese dhe mbështetëse mbi proceset konsultuese dhe politikëbërëse për sektorin dhe partnerë të tjerë.

Gjetjet e raportit të Komisionit Evropian *përkojnë me gjetjet e Matricës e Monitorimit mbi Mjedisin Mundësues për zhvillimin e shoqërisë civile*, Raporti për Shqipërinë 2022 dhe rekomandimet e tij janë në përputhje me një seri çështjesh që qëndrojnë në bazën e përpjekjet tona advokuese për një mjedis sa më mundësues për sektorin, si progresi në ligjin për vullnetarizmin, ngritja dhe funksionimi i regjistrat elektronik të OJF-ve, lehtësimi i procedurave për rimbursimin e TVSH-së, ngritja e incentivave për dhurimet individuale, etj.

Lexoni për më shumë Raportin.

Lexoni për më shumë Matricën 2022.



PUBLIKOHET

RAPORTI I REZULTATEVE PËR PLANIN E VEPRIMIT 2020-2022

Mekanizmi i Pavarur i Raportimit (IRM) publikoi Raportin e Rezultateve të Zbatimit të Planit të Pestë të Veprimit të Partneritetit të Qeverisjes së Hapur (PQH) për Shqipërinë, për periudhën 2020-2022.

Sipas raportit, angazhimi ndërmjet qeverisë dhe shoqërisë civile ishte i kufizuar gjatë bashkë-krijimit dhe zbatimit të planit. Megjithatë, krijimi i një forumi shumëpalësh të OGP-së e vendos Shqipërinë është një hap përpara për angazhimin e shoqërisë civile gjatë ciklit të ardhshëm të planit të veprimit.

Për më shumë gjeni raportin e plotë këtu.

PËRZGJIDHEN ORGANIZATAT ANTARE TË KOMISIONIT TË SHOQËRISË CIVILE

Me përfundimin e afatit të shprehjes së interesit nga OSHC-të për të qënë antarë në Komisionin e Shoqërisë Civile, dhe pas përfundimit të procesit të verifikimit për plotësimin e kriterëve, Avokati i Popullit shpalli emrat e organizatave të cilat plotësonin kriteret e përcaktuara ligjore si antarë të komisionit të shoqërisë civile.

Organizata e përzgjedhura si anëtarë të komisionit si mëposhtë:

- Qendra "Qëndresa Qytetare"
- Fondacioni "Kontribut për Edukim"
- Qendra Shqiptare për një Zhvillim të Qëndrueshëm
- Shoqata "Drejtësia Sociale"
- Klinika Ligjore "Wisdom"

Organizatave të mësipërme të përzgjedhura si anëtarë të komisionit të shoqërisë civile zgjodhën si kryetar të këtij komisioni **z. Gentian Serjani**, përfaqësues i shoqatës "Drejtësia Sociale".

Gjithashtu, në institucionin e Avokatit të Popullit po zhvillohen mbledhje periodike të Komisionit të Shoqërisë Civile për miratimin e draftit përfundimtar të rregullores së komisionit të shoqërisë civile. Ky proces synon rritjen e përfshirjes së shoqërisë civile në sistemin e drejtësisë. **Për më shumë lexo këtu.**



PËR RISHIKIMIN E REKOMANDIMIT 8 DHE SHËNIMIT TË TIJ INTERPRETUES

Në qershor 2022, Asambleja e Task Forcës për Veprimin Financiar (FATF) ra dakord të shqyrtojë ndryshimin e Rekomandimit 8 dhe Shënimit të tij Interpretues 10. Përpara finalizimit të ndryshimeve, përgjatë muajve qershor-gusht FATF-ja hodhi për konsultim publik me të gjitha palët e interesuara. Rekomandimin nr 8 si dhei Dokumentin e Praktikave më të Mira për të luftuar abuzimin me OJF-të.


Draft amendimi i tekstit të Rekomandimit 8 dhe Dokumenti i Praktikës më të Mirë të propozuar për konsultim pasqyron punën dhe diskutimin e Ekspertëve të Projektit të krijuar nga FATF-ja. Ata po përpiqen të trajtojnë problemin e mbi-rregullimit të masave parandaluese për sektorin e OJF-ve në disa vende, duke njohur ndikimin negativ që kjo mund të ketë në aktivitetet legjitime të OJF-ve.

Ky është raundi i dytë i konsultimeve, pas atij të vitit të kaluar, i cili ishte i hapur për dëshmi se si Rekomandimi 8 po prodhon pasoja të padëshiruara për OJF-të në nivel global dhe praktikën më të mira për t'i adresuar ato. Kodi i Standardeve për Organizatat Jofitimprurëse në Shqipëri (<https://standards4npo.al>), një praktikë rreth të cilës Partnerët Shqipëri po punon, është ofruar si një praktikë më e mirë në raundin e parë të konsultimeve, për t'u veçuar si temë me interes për Dokumentin e Praktikave më të Mira. Procesi i konsultimit ofroi një mundësi të mirë për të gjithë ekspertët dhe palët e interesit nga sektori i OJF-ve dhe institucioneve financiare për të ofruar propozime konkrete në tekst dhe/ apo komente.

Të dyja dokumentet mund të aksesohen si më poshtë:

Rishikimi i Rekomandimit 8

Dokumenti i Praktikës më të Mirë



RRJETI BALLKANIK PËR ZHVILLIMIN E SHOQËRISË CIVILE (BCSDN) PUBLIKON OPINIONIN E TIJ MBI KONSULTIMET IPA III

Gjatë muajit korrik **Rrjeti Ballkanik për Zhvillimin e Shoqërisë Civile (BCSDN)** publikoi opinionin e tij mbi Konsultimet IPA III (IPA III Multi-Country Action Document 2024).

BCSDN ka theksuar kufizimet e procesit aktual të konsultimit të këtij dokumenti dhe i bën thirrje BE-së për një bashkëpunim gjithëpërfshirës, të strukturuar dhe efektiv, si dhe nevojën për mbështetje më të fortë drejt një mjedisi më të favorshëm të shoqërisë civile.

Dokumenti fokusohet vetëm në diversifikimin e financimit dhe angazhimin e OSHC-ve në filantropi, përgjegjësinë sociale të korporatave, si dhe sipërmarrjen sociale dhe nuk pasqyron objektivin e Udhëzimeve për mbështetjen e drejtë dhe transparente financiare dhe jofinanciare publike për OSHC-të.



SHFLETONI KËTU OPINIONIN E PLOTË

SHOQËRIA CIVILE

i bën thirrje BE-së të mbrojë të drejtat e njerëzve në negociatat e "trilogut" të Aktit të Inteligjencës Artificiale

Deklaratë e shoqërisë civile mbi të drejtat themelore në Aktin e BE-së për Inteligjencën Artificiale

151 organizata të shoqërisë civile i bëjnë thirrje Parlamentit Evropian, Komisionit Evropian dhe Këshillit të BE-së që t'i vendosin njerëzit dhe të drejtat e tyre themelore në vend të parë në Aktin e Inteligjencës Artificiale, ndërsa institucionet e BE-së vazhdojnë me negociatat trepalëshe.

Deklarata ndalet në 3 çështje kryesore si: (i) legjislacioni duhet të sigurojë që zhvillimi dhe përdorimi i Inteligjencës Artificiale (AI) të jetë i përgjegjshëm, (ii) publikisht transparent dhe të fuqizojë njerëzit për të sfiduar dëmet e mundshme, si dhe (iii) legjislacioni duhet të përcaktojë kufijtë për mbikëqyrjen e dëmshme dhe diskriminuese nga autoritetet e sigurisë kombëtare, të zbatimit të ligjit dhe të migracionit si dhe rëndësinë që legjislacioni të kufizojë lobimin e Big Tech dhe të shmangë boshllëqe që minojnë rregullimin e veprimtarisë së IA.


Për më shumë lexoni këtu.




CSF TIRANA 2023 - FORUMI I SHOQËRISË CIVILE TË BALLKANIT PERËNDIMOR

Qendra Shkencë dhe Inovacion për Zhvillim (SCiDEV) organizoi eventin përmbyllës të Grupit Tematik të Punës për Lëvizshmërinë, që zhvillohet në kuadër të Forumit të Shoqërisë Civile (FSC) dhe Think Tank 2023, si pjesë e Samitit Vjetor të Procesit të Berlinit. FSC është një nismë që synon të nxisë bashkëpunimin rajonal dhe reformat në Ballkanin Perëndimor, në lidhje me procesin e integritimit në BE. Si pjesë e Forumit janë krijuar disa Grupe pune tematike për të identifikuar praktika të mira dhe zhvilluar rekomandime për politikën në lidhje me disa tema si: energjia, qasja në tregun e përbashkët evropian, dixhitalizimi dhe lidhja, klima dhe axhenda e gjelbër, lëvizshmëria dhe migrimi, siguria dhe gjeopolitika dhe politika e zgjerimit.

Si pjesë e takimit final të Grupit Tematik mbi Lëvizshmërinë drejtuar nga SCiDEV, u diskutuan gjetjet nga konsultimet me aktorë nga Ballkani Perëndimor mbi potencialin e lëvizshmërisë në rajon për nxitjen e bashkëpunimit si dhe inovacionit nëpërmjet shkëmbimit të njohurive dhe teknologjisë, bashkëpunimeve kërkimore dhe rrjetëzimit.





21-22 Nov 2023



Njoftim për kandidim për përzgjedhjen e Anëtarit të Bordit Mbikqyrës të Agjencisë për Mësimetjeten e Shoqërisë Civile (AMSHC)

NUOTIM PËR KANDIDIM PËR PËRZGJEDHJEN E ANËTARIT TË BORDIT MBIKQYRËS TË AGJENCISË PËR MËSIMETJETEN E SHOQËRISË CIVILE (AMSHC)
Në mënyrë të ligjit në 10000, datë 9.3.2009, "Për organizimin dhe funksionimin e Agjencisë për Mësimetjeten e Shoqërisë Civile", dhe të vendimit nr.768, datë 15.7.2009, të Këshillit të Ministrave, "Për miratimin e procedurave e të rregullave për kandidimin dhe përzgjedhjen e anëtarëve të Bordit Mbikqyrës të Agjencisë për Mësimetjeten e Shoqërisë Civile", shpallim njoftimin për kandidim për një anëtar të Bordit Mbikqyrës të Agjencisë për Mësimetjeten e Shoqërisë Civile (AMSHC).
Konkursimi është hapur për përfundim që i përkasin shoqëritë civile.
Afati i dorëzimit të aplikimit, deri më 25 shtator 2023.
Adresë: Kryeministria
Bulevardi "Dëshmorët e Kombit" nr.1, 1000
Tiranë, Shqipëri
Zyra e Sekretariatit të Përgjithshëm
tel: 04 22 777 401



APPLY NOW!



KALENDAR TREMUJOR

SHËNONI NË KALENDARIN TUAJ! PËRFSHIHU NË AKTIVITETET TONA TË ARDHSHE!

TETOR 2023						
SUN	MON	TUE	WED	THU	FRI	SAT

1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				

NËNTOR 2023						
SUN	MON	TUE	WED	THU	FRI	SAT

			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30		

DHJETOR 2023						
SUN	MON	TUE	WED	THU	FRI	SAT

					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30
31						

● Akademia e OJF-ve
 ● Trajnine dhe Seminare për OShC-të
 ● Advokim & rrjetëzim
 ● Forume publike dhe evente

Zyra në Tiranë

Rruga e Elbasanit, PARK GATE,
Kati i 10të, Ap. 73, Tiranë
(në mjediset e "Partnerët
Shqipëri për Ndryshim dhe
Zhvillim")
Tel/Fax: +355 4 2254881

E-mail: info@resourcecentre.al

Zyra në Shkodër

Lagjja Kongresi i Përmetit, Rr.
Oso Kuka, Kati i 2të, Hyrja 1,
Shkoder
(në mjediset e Shoqatës
"Gruaja në Zhvillim")

E-mail:
shkodra@resourcecenter.al

Zyra në Vlorë

Lagjja 29 Nëntori, Rr. Dede
Ahmet Amataj, Çerdhja 15, Kati i
2të, Vlorë
(në mjediset e Qendrës "Aulona")
Tel: +355 3 3224531

E-mail: vlor@resourcecenter.al

